



SIARAN MEDIA YAYASAN WAQAF MALAYSIA (YWM)

MALAM APRESIASI YAYASAN WAQAF MALAYSIA BERSAMA MEDIA : MEDIA, NADI PERKEMBANGAN WAKAF MALAYSIA

Putrajaya, 21 April 2025 - Yayasan Waqaf Malaysia (YWM) hari ini meraikan para pengamal media yang sentiasa komited menjayakan agenda pembangunan Islam khususnya memperluaskan kefahaman dan sokongan masyarakat terhadap institusi wakaf di Malaysia.

Majlis ini telah disempurnakan oleh **YB Senator Dato' Setia Dr. Haji Mohd Na'im bin Haji Mokhtar, Menteri di Jabatan Perdana Menteri (Hal Ehwal Agama) merangkap Pengerusi Lembaga Pemegang Amanah YWM**. Turut hadir bersama adalah **YBrs. Dr. Ridzwan bin Bakar, Ketua Pegawai Eksekutif Yayasan Waqaf Malaysia**.

Selain dihadiri oleh wakil media, majlis ini turut dihadiri oleh Unit Komunikasi Korporat agensi di bawah Menteri di Jabatan Perdana Menteri (Hal Ehwal Agama) dan rakan strategik YWM. **Menerusi majlis ini juga, YB Senator Dato' turut menyampaikan sumbangan cek cura, masing-masing bernilai RM2,500 kepada Kelab Media Kuala Lumpur & Selangor serta kepada Kelab Media Putrajaya.**

YB Senator Dato' turut menyatakan penghargaannya kepada rakan media yang sentiasa mengangkat kejayaan-kejayaan YWM ke pengetahuan umum, membantu YWM menjelaskan konsep ibadah wakaf moden dengan bahasa yang mudah difahami seterusnya mendorong masyarakat untuk beramal melalui instrumen wakaf yang ditawarkan oleh YWM.

Dalam konteks pembangunan wakaf, media memainkan peranan yang signifikan dalam memberi wajah yang segar, moden dan lebih diyakini oleh masyarakat. Menurut YB Senator Dato' lagi, tanpa peranan media, kejayaan - kejayaan wakaf yang telah dilaksanakan oleh YWM tidak mungkin akan sampai ke pengetahuan umum dan kesedaran masyarakat mengenai potensi sebenar wakaf sebagai peluang pelaburan akhirat akan terus terbatas.

Dalam majlis yang sama, YB Senator Dato' turut menyampaikan Anugerah Perkhidmatan Cemerlang Tahun 2024, Anugerah Ketua Pegawai Eksekutif Tahun 2024 dan Anugerah Khas: *The Most Outstanding Achievement Award* kepada para pegawai YWM.

YB Senator Dato' turut menyeru agar pihak media terus bersama - sama YWM memperkasakan wakaf dengan menggunakan seluruh keupayaan media sebagai platform strategik untuk mempromosi wakaf, membina naratif positif serta menyemai kefahaman masyarakat terhadap potensi wakaf sebagai instrumen pembangunan ummah. YWM sentiasa membuka ruang kolaborasi dan sokongan bersama pihak media.

Yayasan Waqaf Malaysia
21 April 2025

Untuk sebarang maklumat lanjut, sila hubungi:

Cik Haidatul Azia binti Husin
Pengurus Bahagian Pemasaran dan Korporat
Yayasan Waqaf Malaysia
019-3883395 | azia@ywm.gov.my

Cik Nur Ain binti Mohd Nazri
Eksekutif Media, Bahagian Pemasaran dan Korporat
Yayasan Waqaf Malaysia
011-33065054 | nurain.nazri@ywm.gov.my